

ARTURO MESSINA
'A VIA DI LA CRUCI



Anno 1990. Prima stazione "Via Lucis" di Antonio Randazzo

IERI: Gesù venne portato davanti a Pilato, gli fu messa una corona di spine, venne flagellato, Pilato si lava le mani

OGGI: chi è dietro le sbarre, gli emarginati, il razzismo, i poveri sempre più poveri questa situazione flagellare ne continua Gesù

Davanti a Pilato Gesù è condannato. Le ideologie, il razzismo, la chiusura politico-economicoculturale verso gli extracomunitari, perpetuano questa condanna. Un simbolo: Mandela dietro le sbarre per trentanni e volti anonimi di disperati che avendo bussato alla porta di casa nostra, hanno trovato la polizia che li ha ributtati in mare con il foglio di via. Dono alla Chiesa di Bosco Minniti.

Altorilievo, misura 35x60 cm, legni vari verniciati al naturale.

PI JIRI 'NT'A LUCI

La Settimana Santa, quella che va dalla domenica delle palme alla Pasqua, da sempre è stata per i cristiani la più suggestiva e significativa, anche più del Santo Natale, perché senza la Pasqua, cioè senza la resurrezione del Cristo, non avrebbe avuto significato la Sua nascita; ma essa non avrebbe avuto significato senza la Passione, con cui Gesù ha redento l'umanità.

Il clou della Settimana Santa, poi, è indubbiamente la Via Crucis, che racchiude e invita a meditare i 14 episodi più salienti della Passione. Per questo in tutte le chiese sono rappresentate in 14 quadretti distribuiti in sequenza alle pareti di ognuna di esse.

In certi paesi, come Monterosso Almo, le <stazioni> venivano realizzate anche in edicole lungo un certo tratto di strada suggestivo, fuori della chiesa, che desse l'idea di quello compiuto da Gesù fino al Calvario e veniva percorso da moltissimi fedeli in processione, che si fermavano ad ognuna di esse e ne esprimevano il significato in canti dialettali molto commoventi. Io non ho assistito a tale espressione di fede e devozione ma ho cercato con questi versi di immaginare come si svolgessero; il tutto sceneggiato, con commento musicale e arie. Alle 14 stazioni ho premesso anzi altre quattro scene che completassero l'evento; il tutto in lingua siciliana ortograficamente curata, che altro non è che la lingua scritta da Dante (che scrisse in dolce stil nuovo partendo da quello <primiero> che era quello della scuola poetica di Federico Secondo!) e quindi comprensibile da chiunque conosca quella della Divina Commedia.

Scena Prima= L'ultimu cummitu

Cuntacunti:

*"Quannu fu l'ura c'avìa a murìri Cristu Gesù p'i nostri piccati, e in cielu a lu so' Patri arri-
turnari, vosi ca fùssiru tutti adunati, li dūdici apostuli Suoi fideli, e vosi a ognunu lavàrici
'i pedi"*

GESÙ: *"Si a vui li pedi ju haju lavatu, signu ca 'u stissu vujautri âti a fari! Si finu a 'stu
puntu ju v'haju amatu, signu ca vujautri accusi v'âti a amari!"*

Cuntacunti: - *Dissi san Pietru...*

Pietru: - *Chi fai, Signuri? Tu lavi 'i pedi a nui piccaturi?*

Gesù: - *Ju vi li lavu pi l'arma lavari, ca si nun siti purificati, in paradisu 'un vi pozzu pur-
tari, doppu ca zoccu âti a fari faciti!.. Pirò, tra vjautri c'è 'n tradituri ca m'ha vinnutu pi
trenta dinari!*

Cuntacunti: - *Giuvanni addumanna:*

Giuvanni: - *Ma comu pò 'ssiri?!*

Gesù: - *Chiddhu ca ora 'u me' pani ha manciatu!..Pi scanciu, Petru Simuni, sta' attentu: tri
voti rinnjéi, accà 'u jaddhu canta!*

Petru: - *Cui? Ju? Mai pò 'ssiri, ti l'assicuru! M'avìssunu a fari pizzuddhu a pizzuddhu! Fi-
deli sugnu e arrestu a Tia sulu, ca supra 'i Tia nun c'èni nuddhu!*

Gesù: - *Chiddhu c'haju dittu tiènnulu a menti; a nenti vâlunu 'i to' giuramenti! Ora mancià-
ti: 'u me' corpu è 'stu pani! Ora viviti: 'u me' sancu è 'stu vinu! 'Stu pani e 'stu vinu, pi tutti
'i Cristiani, su' vita eterna p'o regnu divinu!*

CANTU PRIMU : *'U PANI DI L'ÀNCILI: 'U pani di l'àncili si fa pani di l'òmini, pi dari vita
a l'ànimi c'hanu fidi e virtù! Prodiggiu miràbbili! O cosa ineffàbbili! D'u pani e d'u vinu 'u
corpu divinu ci veni a salvaru!// L'acqua d'u puzzu nun disseta e 'u pani di lu furnu nun
sazzia! Cu' ô cori di Cristu attingi e lu so' corpu mancia, chiù siti e fami nun ha, in eternu!
Pirciò, accustàmini ô sacru cummitu, di Cristu civàmini, si cu Cristu viviri si vo', pi
l'eternità!*

SCENA SECUNNA: LU TRADIMENTU:

Cuntacunti: - *E mentri era a priari 'nt'o munti, eccu 'na turba di genti, cu torci e armi, cu
Giuda davanti.*

Gesù: - A cu' circati?

Jureu: - Gesù Nazzarenu!

Gesù: - Ju sugnu; vuliti?

Giuda: - Iddhu è! In catini 'u mittiti!

Cuntacunti: - Ci dissi Giuda, lu gran tradituri... Ci misuru sùbbitu cordi e catini!

Petru: - Ohu! Chi faciti, vigliacchi e imposturi?

Cuntacunti: - Dici Petru e, a unu d'ì chiù vicini, cu 'n colpu di spada 'n 'aricchia ci tagghia; ma Cristu 'a ricogghi, ci âmpicchia e ci stàghia...

Gesù: - Lassa, Simuni, ca tocca a mia fari ca s'avvera la profizzia! Ju sugnu lu Figghiu di Diu, l'Eternu; figghiu di l'omu m'haju vulutu fari pi vinciri li forzi di lu 'nfernù, e cu 'a me' morti 'u piccatu livari. Suddhu nun moru e nun moru di cruci, l'omu cu Diu nun pò fari la paci!

CANTU SECUNNU:

Cuntacunti: - E lu pigghiàru, e l'attaccaru, davanti a Anna si lu portaru; Anna ci vosi ad-dumannari:

Anna: - Cu' si' e chi cosa vai a pradicari? Tuttu m'ha' a diri ca tuttu voju sapiri!

Cuntacunti: - Gesù tranquillu e senza scantu:

Gesù: - Tutti lu sanu e in ogni cantu, 'nta li sinagoghi a tutti parrari; dumanna a iddhi, ca tutti lu sanu, chiddhu ca dissi e d'iriti lu pònu!

Cuntacunti: - E ci fu unu ca era vardianu ca 'n tumpuluni ci desi a Gesù:

Vardia: - Accussì t'arrisichi tu a parrari, ò summu sacerdoti di davanti?... Tu ca si' figghiu di 'n mastru d'ascia 'gnuranti?

Cuntacunti: - E Gesù Cristu, divina Sapienza, e Gesù Cristu, divina Putenza, ci arrispun-niu:

Gesù: - Si mali haju parratu, dimmillu tu unn'è c'haju sbagghiato! Ju sugni Via, Viritati e Vita: cu' cridi a mia, l'anima ha salvatu!

Cuntacunti: - Davanti a Caifa, annunca, fu purtatu, 'nu summu Sacerdoti puri; ma iddhu lu spidiu pi Pilatu, ca era 'u granni rumanu pritari.

Pilatu: - Dimmi: tu si' daveru 'nu Signuri?

Gesù: - Ju sugnu Re di 'n regnu infinitu!

Pilatu: - 'Stu regnu unn'è? Mancu l'haju caputu!

Gesù: - Nun è 'i 'stu munnu! Si fussi 'i 'stu munnu, 'i me' suldati fùssunu vinuti a mi libbirari!

Pilatu: - Già tuttu mi cunfunnu! Mi fai ammaraggiari!

Gesù: - Chista è la virità: 'a capisci cu' è ca cu mia sta!

Pilatu: - Siccomu nun capisciu, cu tia nun pozzu stari; ma mancu mi la senti di ti cunnannari!

Cuntacunti: - Iddhu cridià ca Cristu era 'nnuccenti, e nun vulia farici nenti; ma la genti...

Populu: - Crucifiggi!... Crucifiggi!...

Cuntacunti: - Li sacerdoti 'uvulièvanu a morti! Iddhi avianu dicisu 'a so' sorti! Pi chissu 'a genti jittavanu vuci:

Tutti: - Morti di cruci! Sì, morti di cruci!

Cuntacunti: - E fu cunnannatu a morti di cruci, propriu Chiddhu ca 'u munnu fici!

SCENA TERZA: E 'U JADDHUZZU CANTO'

Cuntacunti: - Mentri Gesù vinia trascinato, di Anna a Caifa, a Ponzio Pilatu, Petru, scantatu, 'i luntanu 'u seguia, a tutti 'i banni unni iddhu jia... Quann'è ca a Caifa vinni purtatu, ca d'iddhu sulu vulia la morti, cridennu ca 'n sulu sacrificatu, d'o populu, avissi giuvatu a la sorti, unu di chiddhi ca all'ortu 'u 'ncuntrau, ricanusciènnulu, ci addumannau:

Jureu: - Chi fa mi sbagghiu si dicu ca tu si' tra l'amici di Cristu Gesù?

Petru: - Amicu miu, tu sbagghiu facisti! Nè a iddhu né a 'i so' amici ju mai visti!

Cuntacunti: - E quannu a Caifa fu arrivatu, ci fu tra tutta 'a fuddha 'ddhu suldatu, a cui Petru l'aricchia avia tagghiatu:

Suldatu: - Ohu! 'N si' chiddhu fitusu e sdisanuratu?...

Petru: - Cui? Ju? Chi sugnu 'i cà? ...Sugnu di fora, e a vidìrimi 'a scena vinni ora ora!...

Cuntacunti: - E c'era 'n fucata: facià friddu...Petru ci s'accustau abbeddhu abbeddhu...

Serva: A tia,...'Un si' Somuni l'amicu 'i Gesù?...

Petru: Li nùmmira stai dannu puri tu!...

CANTU TERZU: "E 'U JADDHUZZU CANTO' """:

"E 'u jaddhuzzu cantò ... (Chicchirichì!), doppu ca Petru niò... (Chicchirichì!) pi tri voti di canusciri Gesù ... (Chicchirichì!) Iddhu mancu cridia, ca Gesù Cristu sapìa, zoccu prima d'o tempu succèdiri avìa... E 'u jaddhuzzu cantò ... (Chicchirichì!..) E Simon Petru s'arriurdò ...(Chicchirichì!) c'avìa tri voti a niari, prima ca 'jaddhu avìa a cantari... E pirdunu addimannò (Chicchirichì!) e fici pinitenza... Tutti putemu sbagghiari, ma avèmu a rimidiari, ca Gesù ni pirduna accusi...(Chicchirichì!!!) Ca la Buntà infinita, la pecura smarrita Iddhu a circari va... E comu 'u figghiu prodicu, quannu torna a so' casa, 'u patri si lu vasa e festa granni fa...

E 'u jaddhuzzu cantò (chicchirichì!) doppu ca Petru sbagghiò, ma appena si pintiu, lu pirdunò Iddhu... Accussi fazzu ju: -Pirdunami, Gesù, ca nun lu fazzu chiù!

SCENA QUARTA: CRISTU, PILATU E BARABBA:

Questa è la scena madre che è stata premessa immaginando che Barabba nell'incontro che fa con Pilato che lo libera per volontà unanime del popolo istigato dai Sacerdoti e i Farisei, esprime il suo sincero pentimento dei suoi delitti e va via dichiarando che è ben convinto della bontà, della infinita bontà di Gesù e affermando che si allontanerà per sempre dal luogo dove egli ha compiuto i suoi delitti, per andare a fare penitenza.

Cuntacunti:- Ponzio Pilatu, cummintu nun ' sennu, si ni vosi livari limanu, e ' u fici a Erodi purtari, cridennu ca puri iddhu 'u facissi libbirari.

Erodi:- Faciticcilla sbrugghiari a Pilatu! 'Ssi fissarii a mia nun m' 'i cuntati! D' autri cosi chiù granni intirissatu, ju nun pozzu badari a 'ssi babbati!

Centuriuni: - Ma Pilatu ha dittu ca è innucenti!

Erodi:- E si è innucenti, lassàtilu jiri!

Centuriuni: P' 'i Sacerdoti e 'i Farisei è impurtanti livarisillu pi forza di li pedi!

Erodi: V'haju dittu: a mia nun mi cuntati nenti! Pilatu haiu ditto e Pilatu havi a 'ssiri!

Cuntacunti: - E jittànnuli fora a tutti quanti, chiusi 'u purtuni e li fici spariri...

Pilatu: - Daccapui cà mi lu purtati a chistu?

Centuriuni: -Accussi, eccellenza, Erodi dici!

Tutti:- Crucifiggi! Crucifiggi!

Pilatu: -Si pò sapiri, annunca, cosa fici?

Tutti: -Crucifiggi! Crucifiggi! Crucifiggi!!!

Pilatu: -Ohu! ...Mi pari c'a Pasqua aviti usanza di fari grazzia a 'na dillinquenza. Vuliti ca la grazzia ci faciemu a 'stu poviru Cristu, e 'u libbiramu?

Tutti: -Crucifiggi! Crucifiggi! Crucifiggi!!!

Sacerdoti: -Vulemu ca a Barabba hai a libbirari, e Cristu a morti in cruci ha' a cunnanna-ti!

Centuriuni: - Pensaci, carissimu Pilatu! Si vuoi ca lu populu sia gratu, zoccu diciunu iddhii ti tocca fari: Barabba ha' a nèsciri e a Cristu 'a morti ha'a dari!

Pilatu: Ma nun lu sapiti ca Barabba è malu lignu?

Sacerdoti: Facci la 'razzia e pi iddhu ju m'impignu!

Pilatu: "Razzia vuliti? Beni!..."Razzia sia! M'appoi nun v' 'a pigghiati chiù cu mia!

Tutti:- Bravu Pilatu! Già l'hai dittu tu: Viva Barabba e morti a Gesù!!!

Pilatu (quannu ci portanu davanti a Barabba in catini, iddhu stissu ci li sciogghi e dici):- E accusi, me' carissimu 'mpusturi, cu' è reo cunfessu veni libbiratu e cu' è innucenti veni cunnannatu! Oh, si 'u sapissi 'u nostru impiraturi!

Sacerdoti: - A corda è "ruppa "ruppa, si so' diri; ci ??ncappa cu "un havi culpa va a finiri!

Pilatu: Chistu a Roma nun succedi mai, ca è matri d' u dirittu, e tu lu sai! Fatti, pirò arreri pizzicari, ca a testa sutta ti fazzu 'nchiuvari! ..Ora sparisci!.. 'N fatti v' idiri chiù... e arrin-grazzia 'stu poviru Gesù!...

CANTU DI BARABBA:

"No! Nun ci sarà, nun ci sarà 'n'otra vota!... Putiti stari certi tutti quanti! No, nun mi videnti chiù di chisti parti, né in galera né libbiru!... Vogghiu jiri luntanu, unni nun c'è nissunu ca mi canusci, unni pozzu canciari la me' vita, fari pinitenza di tutti 'i piccati, c'haju fattu, e su' tanti! Lu sacciu, ju, ca Gesù èni innuccenti, zoccu cosa di chiù, infinitamenti, mentri ju sugnu sulu 'n dilynquenti! ...Sugnu 'n malfatturi, ma cu tuttu 'u cori chiedu pirdunu... Lassasti ca ju vaju via luntanu! Tuttu 'u mali fattu vogghiu riparari... Oh, lassàtimi jiri!... E vaju pi li strati d'u munnu, vaju dicennu zoccu haju 'nt'u cori 'n funnu, dicennu 'a virità: ca Cristu è innuccenti e nun mori pi mia sulamenti... ma pi tutta l'umanità!

Da qui cominciano le tradizionali <stazioni>:

1) A la prima stazzioni cuntimplamu/ quannu a Gesù Cristu 'u cannannanu":

Cuntacunti: E doppu ca Barabba si ni jiu, a Pilatu nun ci arristau chi fari: 'nfuriata era la turba d'i Jurei; iddhu li manu si vosi lavari..

Pilatu: Vistu ca nun mi sintiti zoccu dicu, e s'iti vjautri a vuliri cunnannari, mi lavu 'i manu e 'i tuttu mi ni 'mpipu!... A morti lu vuliti cunnannari? Eccu ca ju v'u cunsignu, a Cristu! E morti sia; cu' s'ha' vistu s'ha' vistu; ju nun ni voju sapiri propriu nenti, di tuttu chiddhu ca vuliti fari. Curpa nun n'haju ju, l'havi la genti e in primisi ci l'hanu 'i Farisei, 'i Sacerdoti e 'i capi d'i Jurei, ca p'ammazzaru s'accattanu a Giuda, pirchi ci ni cantava cotta e cruda, e sipulcra imbiancati li chiamava, falsi e buggiardi sempri ci diceva...

Cuntacunti: - Si ni trasìu e cunsignò a Gesù!

2) A secunna stazzioni ni dici quannu Cristu pigghiau la cruci

CANTU D'A CRUCI: "Ci misunu 'n mantellu, supra li spaddhi, russia; e in testa 'na curuna, fatta d'acuti spini. Ci dè siru 'nt'a manu, pi scettru una curuna, e appoi s'agginucchianu, dicennu: " Salvi, o re!"... E quantu sputazzati, o Cristu, datu t'hanu! E tumpulati quantu, 'nta la facci santa!... E zoccu spertu manari ci fu, ca a scuzzittuna pigghiau a Gesù, e appoi ci dissi: - Cu' è c'ha' statu? 'Nzèttalu, suddhu si' 'u veru profeta!... E sempre jittannu vuci, una pisanti cruci 'nt'e spaddhi ci mittienu e p'o Calvariu l'avviànu... Chistu pi nui patisti, quanta pacienza avisti, pi l'omu ingrato putiri salvari, e di lu 'nfenu libbirari!"

3) A la terza stazzioni Cristu cadi, sutta lu pisu d'i nostri piccati:

Cuntacunti: -'N beddhu pezzu di strata fattu avìa, Gesù, ma 'u Calvariu era luntanu, e longa, longa era tutta 'a via, tra tutta chiddha fuddha e lu baccanu ca, caminu facennu, a manu a manu, mentri Gesù avanzava, iddha facìa...

Gesù: Troppu pisanti mi la carricànu, 'sta gran cruci di lignu supra 'i mia; ma li piccata d'u generi umanu, mi livànu d'o tuttu la valia!... Matri! Matruzza! Nun ci 'a fazzu chiù!...

Cuntacunti: Fu "a prima vota c'abbuccò Gesù!...

Suldatu:- Ah! Ah! Già ti stancasti, beddhu nmiu? Ancora longa è "a strata c'amu a fari! Sùsiti e nun fari ciuciuliu, ca cu "a currià ti fazzu jisari! Dicisti ca cu "n ditu jisi "u munnu! Com'è ca nun ci "a fai mancu d'u tunnu?

Cuntacunti: E cu "a currià "ddhu suldatazzu brutu, l'accuminzò a sancu a flagillari! OH! Sì la bestia avissi saputu, ca Iddhu era daveru 'u Ridinturi!

4) A la quarta stazzioni arriva 'a Matri: chistu è unu d'i chiù dulenti quatri!

CANTU DI LA MATRI ADDULURATA

Maria: "Figghiu! Figghiu! Chi ti ficinu, figghiu?! Criatura adurata! Criatura tantu amata! Tu di lu munnu criaturi, tu tra tantu duluri? Figghiu! Figghiu! Pirchì tantu cutugghiu? A Tia, Buntati infinita, accusi mala ha statu la vita? Figghiu, ca tutti aiutasti, chista è 'a ricumpenza ca n'avisti? Figghiu c'a tanti hai datu la vista, pi Tia 'a ricumpenza èni chista? Figghiu! Figghiu! Figghiu giucunnu! Tu ca veni a salvari lu munnu, appaccussì veni maltrattatu?

Gesù: Matri! Matri! Matri amurusa! Matri, addumannu scusa, si c'u suffriri miu, ti dugnu 'stu curriu e ti trapassu "u cori! Tu Matri di duluri! Ora, doppu 'stu passu, o Matri, ju ti lassu! Ma nun hai a aviri affanni: pi figghiu ti lassu Giovanni! Iddhu è ora to' figghiu, o Maria! Pigghialu ô postu di mia! ...Giovanni, chista è to' matri, ora; l'amala e l'adora comu haju fattu ju!

Maria (abbrazzannu a Giuvanni): Figghiu! Figghiu! Figghiu Giuvanni! ..Lu me' duluri è granni, ma chiddhu ca Gesù ha dittu, 'nt'o me' cori sta scrittu! Ora tu rappresenti d'u munnu tutta "a genti: a tutti vi vogghiu amari, ca a tutti Gesù vosi salvarli!

5) A LA QUINTA STAZIONI CI FU LU CIRENEU C'AIUTO' GESU'

Cuntacunti: Senza forzi, Gesù nun s'a fidava, a sustinirisi e a ripigghiari "a via, e "u suldatazzu ancora colpi dava, ma chiù ni dava, chiù Cristu "n ci "a faccia...! 'ddhà s'attruvau, cumminazzioni!, "n omu "i Cireni, di luntana genti, ca "i Cristu Gesù nun ni sapìa nenti. Vosì accustàrisi e fari attinzioni a zoccu stavanu chiddhi facennu...

Suldatu: - Oh, giustu appuntu tu stai viniennu! Ti vidu musculusu e sfacirnatu: pi scanciu di taliari interissatu, aiuta a chistu la cruci a purtari, ca nun s'a fida mancu a addritta stari!

Cireneu: - Cu' è e cosa ha fattu, mischinieddu? Ohu! Ma taliati in chi statu pietusu è già arridduttu, e in facci è accusi beddhu!...Cu' si'? Arrispunni! Ju sugnu curiusu!...

Maria: Nun poi capiri, gintili stranieru! Chistu è me' figghiu; ma è "u Figghiu di Diu: omu si fici pi lu munnu interu!

Cireneu: Bunu dicisti: nun capisciu, ju; pirò capisciu ca "nt'e me' contrati, pi quantu sèmu barbari e incivili, pi umanità nun sèmu accusi arritrati...e mancu sèmu accusi bruti e villi, di ridirici "i supra a cu' ha' duluri, macari fussi "u chiù tintu malfatturi. Ca "a portu ju, "sta cruci, ora lassati, e a jìsàrisi "i "nterra l'aiutati!

6) A LA SESTA STAZIONI VIDEMU ORA VERONICA CA CI ASCIUCO' 'I SUDURA

Veronica: - Comu t'hanu arridduttu, Tu ca mali 'un ha' fattu, Gesù Cristu biniduttu, 'u chiù megghiu ca c'è! Tu c'a vista hai dunatu, a cu' orbu era natu, Tu ca ô mutu hai fattu parrari e ô sciancatu hai fattu caminari!...E a Lazzaru risuscitasti d'e morti.. comu ora si' accusi? Pirchì t'hanu cunnannatu? Pirchì Giuda t'ha tradutu? Pirchì? 'U chiù santu d'i santi, 'u chiù giustu d'i giusti, pirchì tra tanti angusti? N'u dici tu "u pirchì? ... Ti vidu tuttu sudatu, e insancunatu...Lassa ca ju t'asciucu 'u visu amatu!... Oh! Chi miraculu! ...Comu si stampau nettu, supra 'u me' fazzulettu, 'u voltu di Gesù!...// Gesù! Gesù!...O Gesù miu!... Gesù! Gesù!... O Figghiu di Diu! Daveru tu, O Cristu Gesù, si' l'omu Diu!...Gesù, Gesù, o Gesù miu!... Daveru Tum o Cristu Gesù, si' veramenti Diu! Ci cridu fermamenti ju!...Lu cridu fermamenti, e ci 'u dicu a tutta a la genti!

7) A LA SETTIMA FIRMATA CI FU 'A SECUNNA ABBUCCATA

Cuntacunti:- Doppu ca "n pezzu di strata fattu avia, "u Cireneu, purtannu "a cruci avanti, e Gesù Cristu darrerri ci jia, tra li scherni e 'i risati 'i tutti quanti, purtannuni 'na punta a granni stenti, pirchì di piaghi chinu e ammaccamenti, si 'ntisi 'na stanchizza mai avuta e tra di iddhu maravigghia pruvau:

Cireneu: Ma di chi lignu è? Di ferru pari! 'Na spaddha si purtau! Ma 'stu mischinum accusi cumminatu l'ha a purtari, doppu ca mezzu mortu 'u arridduciènu? Ju c'haju saluti e ca forti mi sentu, cridia ca si trattassi 'i 'na sciucchizza: pi scanciu lu so' pisu â spaddha appizza, e a caminari quasi quasi stentu!... Raggiuni appi iddhum ca abbuccau: pi giunta iddhu è tuttu scavigghiatu, e di frustarla nun s'hanu stancatu! Cu' 'u vastunia, cu' 'u tum-pulia o 'u pigghia a pugna, comu fussi 'n cani cu la rugna!... 'N testa di spini 'a curuna ha 'ncarcata... Lu battunu cu 'a canna e cu li ligna; ma iddhu è mutu e accusi pazienti, ca tuttu si fa fari e'n dici nenti! ...Farisei, Jurei e Sacerdoti, ca vi diciti 'i tutti 'i chiù avanzati, chi sensu aviti di umanitati, si v'ammustrati accusi vicarioti?

Cuntacunti: Vosì spaddha canciari- dittu cistu- ma, pi lu contrappisu, Gesù Cristu, s'a 'ntisi tutta a 'n cuolpu c'aggravau; riggirisi nun potti e...abbuccau!...Risati e scarcaniati 'i tutti 'i lati, si jisànu comu a comica scena, d'i suldatazzi e 'a turba, addivirtuti, mentri 'i Maria crisciù di chiù la pena...'U viaggiu, appoi, arripigghianu lenti, 'u cunnannatu, 'i carnefici e 'a genti. Lu cielu azzurru e limpitu, intantu, si jia vistiennu di 'n niuru mantu!...

8) A L'OTTAVA STAZIONI LEMMI LEMMI, L'INCUNTRANU LI DONNI 'I GERUSA-LEMMI

Gesù: Nun chianciti pi mia, fimmini cari! Nun chianciti e mancu v'attristati, se mi viditi d'accusi piniari e offisu 'i 'sta manera vastuniari! ...M'âtu vistu fari granni prodiggi, di ogni speci e sapiti ca ju, cumannu a tutti d'a natura 'i liggi, e sugnu l'unicu Figghiu di

Diu... Pinzati ca, vullennu, nun putissi chiamari di lu celu li me' schieri, a libbiràrimi 'i chi-sti; si vulissi, fari minnitta di 'sti masnadieri? Ma ju a salvari haju vinutu lu munnu, a far-lu dighu di lu regnu eternum a 'ncatinari li forzi d'u 'nfenu, e a vinciri la marti murennu!... Nun chianciti, pii donni, nun chianciti! Si oggi moru, a 'sta cruci misu; doppu tri jorna- v'u dissi e 'u sapiti!- arrisùscitu e tornu in paradisu!..Arreri mi viditi, triunfanti, cu vjautri autri jorna ancora stari; vi lassu, pi cunfortu, 'u Spirdu Santu, quannu in cielu addicidu 'i turnari!

9) A LA NONA FIRMATA S'ARRIORDA LA TERZA ABBUCCATA

Cuntacunti: Mancava picca p'arrivari a munti, e 'u stissu Cireneu s'avìa stancatu; ma caminannu si facia li cunti:

Cireneu: M'u dici pirch' t'hanu cunnannatu?

Cuntacunti:- Ci addumannau a Gesù; ma Chiddhu...mutu! L'altu 'nsistiri vosi e arripitiu:

Cireneu:- Va beni ca ti vidu senza ciatu; 'na cosa sula, pirò, addumannu ju: -Si' ribbelli? Hai arrubbatu? Hai ammazzatu? O offisa granni ci facisti a Pilatu, ca cunnannatu t'ha a 'sta pena atruci?

Gesù:- Pilatu culpa a mia nun ha truvatu: a mi vulia libbiru mannari: 'i Sacerdoti e 'i Farisei hanu statu, ca d'onistà l'esempiu àssunu a dari!

Cireneu: Chissu si sapi: iddhi hanu 'u putitri! Chi ci facisti p'avirli cuntrari?

Gesù:- Dissi: <Sugnu 'u Messia, 'u Redenturi!>. Ma iddhi a 'n altu ancora hanu a aspittari! E seculi e millenni, inutilmenti, ponu aspittari, ca unu è 'u Signuri! 'U Figghiu di l'Etternu, Onnipotenti. Ca sugnu ju: lu diciunu 'i scritturi!

Cuntacunti: Lu 'ntisi 'n Fariseu, 'stu discursu, e chiù bestia 'i com'era imbestialiu: ci desi 'n mustazzuni 'nta lu mussu, e Gesù p'a tenza vota cadu!

10) A LA DECIMA FIRMATA, LA PIRSUNA DIVINA FU SPUGGHIATA

Cantu di Pinittenza: Arrivati ca fùrunu o munti, 'a pirsuna divina fu spugghiata, di li vesti, d'a tonaca santa, ca Maria ci avìa fattu 'na vota... E 'nt'o mentri ogni piaga s'apria, ca 'nta tutti li carni la frusta, flaggillànnulu, fattu ci avìa, di 'ddha turba mala e ingiusta... Doppu c'èppunu a Cristu spugghiato, comu scrissi 'na vota 'u profeta, li so' vesti si l'hanu jucatu, pirchì 'a prufizzia fussi cumpleta... E pi bìviri ci dèsiu acitu, cu la mirra amara ammiscatu. Iddhu appena l'appi assaggiatu, li so' labbra d'a spugna livò... Pirchì tutti 'i putissi sintiri, li tormenta e lu granni duluri, finu all'ultimu, prima 'i muriri, pi placari d'o Patri 'u rancuri!...

11) ALL'UNNICESIMA STAZIONI ARRIURDAMU 'A CRUCIFISSIONI

Cuntacunti: - E all'ura terza 'ddhi gran malfatturi 'u pigghiàru e supra a cruci 'u stinnèru, senza ca 'ddhu 'nnuccenti, p'u duluri, nenti dicissi... Cu chiova vinèru, e 'n gran marteddu chiddhi c'a la cruci, prima li manu e appoi 'i pedi 'nchiuvànu, senza ca iddhu jittassi 'na vuci, e appoi la cruci addritta isàSi Figghiu si'nu. Ci m'isunu 'n cartellu cu 'na scritta: <Re d'i Jurei, Cristu Nazzarenu>, e i sacerdoti, chini di vilenu, lu 'nsultàvanu, 'i malacunnutta:

Sacerdoti: - Si Figghiu si' di Diu veramenti, scinni 'i 'ddhà supra! A l'altu hai salvatu: salvati tu, davanti a chista genti, e nui cridiemu a quantu hai pridicatu!

Cuntacunti:- Ma Critstu, rivulgènnusi a l'Etternu, cu 'sti palori Lu jeva priannu:

Gesù: - Patri, non stari a sèntiri lu schernu! Pirdünali, ca 'n sanu zoccu fanu!

Cuntacunti: E ô cantu du' latruna Iddhu ci avìa: lazzaruni era unu, ca 'u 'nsultava; l'altu, a chiddhu 'i finirla ci dicìa, e a Gesù Cristu si raccumannava...Accussì allura Cristu ci dicìa:

Gesù:- Oggi stissu ti portu unni vaju ju! Si tu prima hai sbagghiato e ora ti penti, lu to' piccatu chiù nun cunta neti: ora lu sta scuttannu, in cruci misu; pirciò veni cu mia in paradisu

12) A LA DUDICESIMA FIRMATA SI CUNTEMPLA 'A DIVINITA' SPIRATA

Cuntacunti: Si fici menz'jornu e 'a terra trimau; 'u sulì d'a facci d'a terra spariu, d'o tempiu 'u velu tuttu si spaccu: la So' putenza addimustrau Diu...Pirchì lu Figghiu spirannu

stava. Gesù, pirò, a un certu mumentu, chiamò Giovanni ca tantu amava, e ca chianceva, a Maria ò cantu:

Gesù: - Giovanni, apostulu miu pridiletu, da ora in poi to' matri è Maria; l'arraccumannu a tia, pòrtaci affettu di veru figghiu, si vo' beni a mia.... E tu, Maria, a Giovanni ora hai pi figghiu, e cu Giovanni ju t'arraccumannu, pirciò nascii di tia e murìri vogghiu, pigghia pi figghiu to' tuttu lu munnu!

Cuntacuntj: Maria a Giovanni forti l'abbrazzàu... Cristu jittò 'na vuci e...spirau!

13) A LA TRIDICESIMA STAZIONI SI CUNTEMPLA LA DIPUSIZZIONI

Cuntacuntj: 'A Pasqua era 'i l'Ebbrei a l'innumani, ca si usava solenni cilibbrari...

Sacerdoti: Oramai putemu jiri luntani, c'âmu fattu zoccu avièvamu a fari!... A li latruna 'i jammi ci stuccati, a Cristu 'n c'è bisognu, c'ha murutu; cu 'na lancia 'u custatu ci spaccati, e ci lu cunsignati a cu' ha voluto!...

Suldatazzu:- E fattu sia zoccu vui vuliti!... Si sapi ca cu' duna li cumanni, 'nta 'stu paisi, sempri viautri siti, forsi macari a tutti l'autri banni!

Cuntacuntj: 'Ccussì dicennu, 'a lancia 'ntto custatu, lu suldatu, cu forza, ci abbiau: siccomu Gesù era già dissancatu, du' stizzi sulì e anticchia d'acqua ci sciu!

Maria: Figghiu! Me' figghiu! Pietà non hanu!., Chistu hai patutu p'ò generi umanu! Veni!..T'abbrazzu, ti strinciu ò me' pettu, o figghiu e Patri me' unicu affettu! Ju chiù nun reggiu pi lu duluri, ti chianciu e adoru, miu Ridintu

14) A L'ULTIMA FIRMATA A CRISTU SIPULTURA FU DATA

Cantu finali: " Dintra ò sepulcru misu, Cristu Gesù fu chiusu; tutti si ni jieru a casa, senza spiranza chiù!... L'apostuli fideli, chiancennu senza abbentu, cu dolu e cu lamentu, a li so' casi tutti arriturnaru... Maria, la Matri santa, ca fidi avìa granni, ansèmmula a Giovanni, stesi sula aspittannu... Stesi sula aspittannu, ca spuntassi 'u jornu, quannu avia a risuscitari, e triumfanti d'ò sepulcru sciri!...//Ccussì passaru tri jorna precisi, e li suldati 'u vigghiàvanu a vista, pirciò nissunu di l'apostuli di Cristu, vinissi all'intrasatta e s'ù purtassi via, dicennu appoi ca sulu sciutu avia!..Macari 'i sacerdoti, di iddhi 'n si fidannu, 'u jjevanu vardannu, ma avianu scantu ò cori ca zoccu cosa stassi a viniri!--- Nun succidennu nenti, ca 'u jornu era juntu, ca Cristu, lu chiù santu, risuscitari avia di la morti... Tutti niautri cristiani, c'avemu fidi in Cristu, sapemu ca dumani, di sicuru 'a morti Iddhu vincerà ha'... e triumfanti in celu si ni va!.... Pirciò aspittamu, cu fidi ardenti, 'u jornu ca verrà, 'u jornu ca risusciterà!.... Amen! Amen!....

CANTU DI L'UMANITA':

Gesù è mortu! Gesù è spiratu! Figghiu di Diu, p'ò nostru piccatu! Cristu ci ha ridentu, subbennu tradimentu, e murennu la vita ni dà!... Gesù ha voluto pi niautri soffriri, Gesù ha voluto pi niautri muriri; c'ò prezzu d'a so' morti, ci ha 'raputu 'i porti, d'ò paradisu pi l'eternità, e ci ha dunatu la libbirtà!... Omu Iddhu si fici, e murìu in cruci, pi fàrici fari 'a paci, cu la Divinità!

(Fine)